



# **Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten**

...

namentlich in Beziehung auf Anhalt, Bayern, Böhmen, ... und andere  
Länder ; [Urkunden-Sammlung für die Geschichte der auswärtigen  
Verhältnisse]

**Riedel, Adolph Friedrich**

**Berlin, 1843**

CLVII. Die Markgrafen Otto und Albrecht von Brandenburg resignieren  
dem Bischofe von Halberstadt den Zehenten von 24 Jufen zu  
Alt-Haldensleben, ohne Datum.

---

---

**Nutzungsbedingungen**

[urn:nbn:de:hbz:466:1-56055](https://nbn-resolving.org/urn:nbn:de:hbz:466:1-56055)

Blankenburch, emerat, pro quatuor milibus Marcarum puri argenti vendidimus, cum paruo castro Lewenberch et ipsius omnibus attinenciis, secundum quod a domino Jordano de Gerstorp idem Castrum pater noster emerat antedictus, et ipsis eandem aduocatiam cum Castro jam dicto in iustum feudum concessimus perpetuo possidendum. Quicumque autem aduocatiam infeodatam ab antedictis nobilibus nollent recipere, immo ad preces eorum et nostras moniciones in feudum ab ipsis recipere reculerent; ad bonum dictorum nobilium eam in nostra warandia retinebimus, quousque ipsi, quod ab eis recipiatur, potuerint ordinare. Hiis placitis interfuert et sunt testes nobiles et milites infra scripti: Burchardus Comes de Mannefult, hinricus Comes de Regensten, Albertus de Arnsten nobiles, Geuehardus de Aluenfleue senior, hinricus pincerna de Donstede, theodericus de Torgouwe, Arnoldus de jagouwe et alii quam plures milites et famuli fide digni. Ne autem super predictis in posterum dubium aliquod oriatur, immo per nos et heredes nostros inuolabiliter obseruentur, hanc paginam inde conscribi fecimus et sigillorum nostrorum munimine roborari. Datum et actum in Campo apud villam Estede, Anno Domini M<sup>o</sup>. CC<sup>o</sup>. LXXIII<sup>o</sup>. quinta feria dominice, qua cantatur Cantate domino.

Nach dem im Herzogl. Landeshaupt-Archive zu Wolfenbüttel aufbewahrten Originale. — Ungenau in der Zeichnung abgedruckt in Crath's Cod. diplomat. Quedl. 251.

**CLVI.** Markgraf Albrecht resignirt dem Bischöfe von Halberstadt den Zehnten über 15 Hufen zu Alt-Haldensleben, ohne Datum.

Venerabili domino suo halberstadenſi episcopo Albertus, dei gratia Brandenburgensis Marchio, quicquid potest seruiicii et honoris. Dominationi vestre significamus presentibus protestantes, Quod nos decimam quindecim Mansorum in antiqua aldesleue ecclesie vestre liberos dimittimus resignantes. Quapropter litteram presentem sigilli nostri impressionibus communimus, Ne alicui in posterum hinc inde aliquod dubium oriatur.

Nach dem Originale des K. Provinzial-Archives zu Magdeburg.

**CLVII.** Die Markgrafen Otto und Albrecht von Brandenburg resigniren dem Bischöfe von Halberstadt den Zehnten von 24 Hufen zu Alt-Haldensleben, ohne Datum.

Venerabili domino suo volrado, halberstadenſi Episcopo, Otto et Albertus, dei gratia Marchiones Brandenburgenses, Quicquid possunt obsequii et honoris. Tenore presentium publice protestamur, quod dominationi vestre resignamus, vna cum fratre nostro, Ottone puero, viginti quatuor mansorum decimam in antiquo haldesleue, renunciantes quod in ipsis mansis habuimus omni iuri, Promittentes firmiter, Quod dictam deci-

mam manualiter uobis resignabimus, cum primum in uestra presentia fuerimus constituti, et hoc simul vel vnus post alterum faciemus tempore oportuno.

Nach dem Originale des K. Provinzial-Archives zu Magdeburg.

**CLVIII.** Herzog Mastwin von Pommern trägt den Markgrafen von Brandenburg die Schlöſſer und Lande Stolp und Zlawen auf und verbindet sich mit denselben zum gegenseitigen Beistande, am 3. September 1273.

In nomine domini Amen. Nos mastwinus, dei gratia pomeranorum dux, notum esse volumus tam presentibus quam futuris crisi fidelibus uniuersis, Quod illustrium principum dominorum nostrorum Johannis, Ottonis et C. marchionum brandenburg. sinceritatem fideique non ficto constanciam discretionis oculo uerius intuentes, ob spem fauoris et gratie nec non adiuutorii, perpetuo nobis et nostris pueris faciendi, eisdem marchionibus castra et terras nostras, scilicet stolp et zlawen, cum omnibus eorundem attinentiis et iuribus de bona nostra uoluntate resignauimus et eisdem terras cum castris prenominaſis feodali tytulo recepimus ab eisdem, omaggio et fidelitate debita ipsis facta, et hoc ipsum nostris pueris seruabunt inuolabiliter eadem bona post nostram mortem ipsis modo simili conferentes, solummodo illa terra excepta, que nobili viro domino h. de keuernberg, sororio nostro dilecto, a nobis dignoscitur assignata, nosque nichilominus habebimus dandi de eisdem nostris bonis, bono et honesto modo, pro salute anime nostre, ecclesiis uel cenobiis liberam facultatem. Ad hec promissimus dominis marchionibus data fide, quod ipsos et ipsorum heredes, sine aliqua fictione et dolo, manu iuuabimus infra decem septimanas, postquam ab ipsis requisiti fuerint (fuerimus?) et moniti, contra quoslibet hostiliter ipsos et heredes ipsorum uolentes inuadere, ubi ipsis iusta uel amicabilia nequiuimus placita procurare, solo tamen domino bolizlao, Illustri duce polonie, excepto, contra quem tamen dictos marchiones iuuabimus ut premissum est, si causam contra marchiones prosequi uoluerit minus iustam, et cessare, monitus a nobis, noluerit ab eadem; quod et dicti marchiones, una cum nobilibus uiris domino walthero de arnſten, domino Gunthero comite de dorenborch, fide data nobis similiter promittentes, nobis et nostris pueris sine qualibet fictione et dolo facient uice uersa. Ut igitur predicta omnia a nobis et a nostris pueris in perpetuum inuolabiliter obseruentur, presentem paginam conscribi fecimus et sigilli nostri munimine roborari, adhibitis testibus ydoneis, quorum nomina sunt hec, dominus h. Caminensis Episcopus, Beteko de bentz, Georius et Thydericus de kirchowe, C. cliest, heydenricus de bentz, et alii quam plures. Actum et datum in ponte drawe, anno domini M<sup>o</sup>. CC<sup>o</sup>. LXXIII<sup>o</sup> tertio Non. Septembris.

Nach dem Copialbuche I. C. 4 in quarto des K. Geh. Kabinet-Archives. — Ungenauer Abdruck bei Gercken Cod. I, 210. 211.